

滇南襍志

滇南襍志

滇南雜志卷九

上海曹樹翹春林編

軼事三

三生語

順寧貢生文在茲里閨中稱謹飭士每爲所親言少時夢人指示太極圖與論先後天理其說甚詳且云數數見意中人可繪而得也康熙二年有楚黃曹允昌號石霞者明末已卯解元癸未進士因其父巽之牧雲州故嘗來游順寧一日晤在茲遽相感觸謂向在榆城曾夢人笑貌如是及問所夢若合符契遂各背疏太極圖上題句證之皆書曰太極原無極先天與後天爲吾曾識得以此學神仙二十字證同見者咸咄咄稱怪事旣而在茲有子文經纔七歲患危急石霞請入視之經見石霞忽作勢起曰我昔同根上都爲壬佛明經我可居東魯鬼委之次

在東牆南院作朱衣典者拔君進士櫬子卷得之最遲獨見賞瓊林花
市君其忘耶但我日迫而緣未盡還當再晤於丹山碧水間索筆作辭
曰一曲歌終日江竿半首詩黃牛闌歲月四照散天機更予一錦囊內
有詩云及蚤歸及蚤歸莫待黃花八月飛花飛茫茫路杳然行人未至
兩縣縣五羊城中我去也大家同上渡頭船石霞得句雖不盡解見鬼
委二字卽立地拜牀下曰是我魏老師後身也低徊歎息無已乃去是
夕文經趺坐而逝郡守米公聞於上時李公晟爲方伯作童謠記異千
餘言大率引李長源石上精魂故事郡中人多能道之後以兵燹失傳
又十年吳逆弄兵雅欲用昌昌力疾走荆楚久還來順寧終於客舍蓋
石霞在明末爲廢進士顧無足多特玩童謠詩意似猶與永歷相終始
故首句一曲歌終日隱曹字江竿半首詩似等字黃牛指辛丑闢開也
明年爲康熙元年辛丑四月而永歷死天機散矣又十年而吳三桂反

殆囊中句指其歸路言黃花八月飛寓桂字雨縣縣則花來久五
音作陽疑指湖廣之襄陽耶漢岳爲五陽地否則訂來生所晤在秦培
亦未可知特詩在事前人不知覺耳此順寧府志所載也首尾不甚了
了今閱嘉善徐季方見聞錄又大有同異故並載之錄曰曹石霞名允
昌楚黃名士領已卯解癸未捷南宮父爲雲州佐歿於官石霞入滇扶
櫬抵常德疾作假寓德山古剎及病愈就道德山和尚元直送別曰居
士勦斗不遠老僧亦隨後來及石霞病卒雲南樞過德山元直上堂說
法次日圓寂先是石霞入滇出順寧府巷遇四齡童子板輿大叫曰曹
某係我楚闈首卷門人也石霞挽入密室中耳語言子爲浙江山陰章
格菴投胎此地相候久矣石霞贈詩云幕中堂上換投胎誰把原封錯
用來滿口胡謔雙腳跳至人終是未曾孩是夕童子歸語其父母云我
與曹某共結蓮胎去矣遂坐化此事似順寧府志所記爲是而徐錄得

之傳聞或未足信也

王錫袞

王錫袞字仲山祿豐州人崇禎間以詹事致仕家居唐王竄閩僞號隆武因遙起錫袞爲大學士仍令募兵東赴錫袞因至省城適沙定洲作亂遂死於難其風節亭遺詩曰兀坐風節亭萬苦日日至焚香告皇天墜我烈皇淚新君飛海甸臣忝刺事臣袞血性存封疆慙大吏閨中弱息流饒有鬚眉志臣袞復何言安能死魍魎

嚴起恒

流寇孫可望遣使賀九儀沈嚴起恒於八達江中忽有一虎入江負其屍於岸上以爪挖土埋之有見之者急趨歸告其家人追家人至虎猶守其墳旁見人始徐徐搖尾去烏乎忠義之士虎猶知敬況於人乎

胡一清

胡一清曲靖越州人殘明時爲將封越國公授金印一清故農家子當本朝定鼎大兵臨滇遂散衆棄官歸農於越率其家屬耕田而食怡怡如也吳逆反遣人召之一清佯作風癲狀言笑歌哭若憑妖祟已抱猪而臥鼾聲如雷忽起而走不知所如往詢之村人咸云病兩年矣於是僞員去一清終不汚僞命爲農如故康熙二十六年其家奴赴總督范承勳密首一清有金印勅書將謀不軌范素聞一清前後事乃執拘其奴而呼一清以來問之時一清老矣囚首跣足長跪階下范公曰老農有首汝密藏勅印者果然否一清曰誠有之遂出諸懷中金章一大小方寸許勅書一道列永歷年皆初封越國時所給也乃詰之曰此二物歷經三十餘年而汝猶守之弗失何耶一清泣然出涕曰故主之恩未報故主之賜難忘是以佩帶三十年未嘗去身者意欲殉死同理以見故主於地下耳非有他也范公曰懷璧其罪獨不聞乎留之無以聞執

讒惡者之口遂令毀之一清叩首而泣曰老百姓犬馬戀主之心如此死生悉惟公命范公令起立深慰遣歸行令中軍杖其奴至死云又數年一清乃死

武風子

武風子者滇南之武定州人也名恬先世以軍功官於衛恬以胄子少學書已棄弗學性好閒不謀榮利嗜酒日惟謀醉簞瓢屢空晏如也凡游藝雜技過目卽知之滇多產細竹堅實可爲箬武生以火繪其上作禽魚花鳥山水人物城門樓閣精奪鬼工人奇之每得其雙箬爭購錢數百於是武生之交戚貧者因以爲利生顧未嘗售也頗自矜重一箬成輒把翫不釋保護如頭目或醉後痛哭悉焚之醒復悔悔而復作然靳不輕與人好事者每覘其謀醉時置酒招之造必盡歡酒酣以火與箬雜陳於前而不言生攘臂起頃刻完數十箬揮手不顧也或於酒中

以箸相屬則怒拂衣出終身不與之見或遇貧士及釋道者流告以困窮輒忻然爲之雖累百不倦於是演之士大夫相餽遺咸以武生箸爲重王公大人遊於演者不得武生箸卽不光生固落落儒生耳未嘗以風子名丁亥之歲流賊從蜀敗奔假號於演演士民懼於威波靡以從生獨匿深箐中不出賊於民間見其箸弄之遍召不得因懸賞索之或告曰曷出以圖富貴生大笑曰我豈作奇技淫巧以悅賊者耶偵者聞於賊繫之來至則白眼仰天喑無一語賊命作箸列金帛於前設醕醪於右以誘之不應陳刀鋸以恐之亦不應賊怒揮斬之縛至市曹而神色自如終無一語時賊帥有侍側者曰腐鼠不足膏斧鉞曷縱之徐徐俾自逞其技也釋之而生自此病矣披髮佯狂垢形穢語日歌哭行市中夜逐犬豕與處人遂皆呼武風子武風子云及王師定演風子病少差亦稍稍爲人作箸以謀醉人重之逾常時安定守某者受貴人屬召

爲之不應守怒撻之於庭血流體潰終不應自此風子之蹤跡無定矣
或琳宮梵舍或市肆田家住必數日留留必作數十箸以謀醉然出入
無時於是其箸可得而不可得矣余嘗見其箸作凌煙閣功臣圖者箸
粗僅及繩而旌旗鎧仗侍從衛列無不畢具至褒公鄂公英姿毛髮道
子傳神莫或過之其畫細如絲深紺色入竹分餘如鏤武定太守顧輿
山爲余言其作箸時削炭如筆數十置烈火中酒滿壺於旁伺炭末紅
若錐左執箸右執炭肅肅有聲如蠶食葉快如風雨且飲且作壺乾卽
止益之復作飲不用杯杓以口就壺不擇酒期醉醉則伏火臥或哭或
歌或說論語經書多奇解及醒而問之則他囁語以對或正作時酒未
盡忽不知其所往逾數十日或數月忽來復卒成之其狀貌如中人年
近六十餘拜揖跪起無異惟與之語則風子矣輿山曾作武異人歌贈
之故時往還也但所繪故事多稗官雜劇有規以不雅馴者笑而不答

亦終不易或曰非病風者也狂人也或曰其有道者歟不然何富貴不淫威武不屈耶余於是作武風子傳

任二李天極謀叛始末

康熙二十七年六月十六日援剿左協兵丁任二等謀叛伏誅時楚省裁兵夏包子作亂風聞相煽適左協副將入覲起行之後兵丁任二等挾黨謀變欲肆劫掠奔合楚兵十六日夜半放火競入州署尋殺知州不獲遂復迫脅右營游擊宣起鳳爲首起鳳率領不附餘兵及親丁數百人奮勇格鬥互有殺傷十七日早叛兵數百人潰走出城飛報到省遣游擊陳勳麥良璽等一面撫諭一面檄曲尋鎮中軍游擊張國勳選撥精兵五百名游巡堵禦相機勦撫叛兵一路潰走村民各自保屯不得擄掠於二十一日至交水城下意在穿城而過時城守單弱百姓相率登城力拒鎗礮磚石齊發打死數十賊此孫千總廷薛吏目成龍拒

戰之功也已而張國勳宣起鳳之兵先後繼至內外夾攻賊遂敗走二十日追至白水地方叛衆鄉獻首賊任二等八人餘皆棄甲投戈受撫者三百一十四名總撫查明並無將弁激變情由照處決叛軍例臨陣斬獲事既顯明不在委審公審之限事後奏聞於八月初十日將叛首任二王麻子李七趙棍兒陳么兒王進福崔麻子王三等請王命斬訖其餘歸伍安插槩不深究是時知州朱焜初任兵心不喜故臨變欲先殺之而焜裸避庭蕉叢內叛衆跟尋必向叢蕉施刃莖葉剝截盈堆而無一刀及焜者亦異矣先是六月二十日督標兵丁張麻子李禿子等謀叛事發捕斬十三人餘不問安堵如故時駐省兵丁初聞楚變訛言四起又尋旬叛兵潛相勾結居民或有竄匿是日午前有兵民鄰居其婦素相和好兵婦告民婦云今夜五更時分外邊若有聲響不可起來豆腐且不必磨我們相好故告訴你民婦細詢緣由兵婦又云衆人

約定五更三點摘去帽纓反穿號衣放礮站隊天明搶掠城內外等語且囑不可說向別人知道民婦告其夫張喬喬出遇雲南府知府羅衍嗣公謁歸隨之至署請問告變衍嗣詣兩司同上院總督傳昆明縣張世琦中軍林雄密諭且命備船往近華浦游讎至西倉昆明縣辭回至白馬廟中軍以家事辭回至近華浦坐未久按察司許宏勳請歸審錄案件亦回至酉刻督撫各官俱還署復有督標左營兵郭之盈密稟叛首張麻子等餘與張喬所言同時按察司與中軍及昆明縣部署事宜悉已妥洽是夜誠司更者鼓只二槌雖天明弗許已初更鼓嚴差員分頭查拿仍諭凡去衣而偃息在牀者卽有名亦免捕於是查獲叛首張麻子李禿子唐金劉應奇周邦彥許進孝袁國泰馮國臣李洪新翼一先張一道楊起龍李自貴等十三名審稱餉內搭錢低賤窮苦不過幹此勾當倡首是實而甚恨布政司李世昌遂按謀叛例處決餘已捕附

從二十餘人分別責革外概不問是日早間城外居民尙聞城頭二鼓
出門乃見街巷俱有桌橙等物阻塞駭愕不測然已聞有謠傳諒係發
動是以各回閉門靜守直至未刻放礮開城決叛犯府縣官曉諭士民
照常開肆內外晏然如未有是事者呼吸機宜弭變頃刻許范二公之
功偉矣

康熙四十五年九月奸民李天極謀亂伏誅天極昆明人世居石嶼上
村本楚雄府學生小有才氣頗能詩文好談六壬奇門遁甲有時在家
耕讀有時出門遠游亦庸人耳是年三月蒙自縣妖人朱六蜚縣學生
也素行不軌先有脅峨魏訓導廣西府人携其孫四甲兄之任四甲不
率教欲責之乃逃遇六蜚奇其貌引之歸藏於家已而師宗州武生朱
漢泗爲知州孟以恂所囑委征五營夷糧橫擾恣肆適上司風聞檄飭
恂懼詳覈之漢泗因逃附六蜚相與導四甲稱係故明桂王後改姓名

王之葉僞著文興三年又向聞李天極名四甲密詣石嶧延聘天極欣然從之於是督標中營千總林某撫標右營領旗張平山富民縣練總楊枝榮皆聞風往附其一切賊中文檄封拜等事皆歸天極漢泗心銜之未發也雲南霜降節每年於南教場祭旗行禮先一日出城幕帳連營軍容甚盛而士民亦於是夜達旦歡游故賊等欲於此節乘間行事六門各安數百人魏四甲潛居城內相約放火爲號六門俱應標兵亦共天極賊合搶劫三市街其亂機已成忽於是日午間颶風暴雨教場中水深二尺餘所有已設帳房蘭鐻之類催捲俱盡於是督撫下令次早於大箭道行禱祭禮不更出城矣然而竟有文興三年僞封一角混入制府上下駭異不知所由忽一日朱漢泗赴轅投首據蹤查拏獲魏四甲楊枝榮於富民縣山箐中獲李天極於廣南僂蠻中餘林某引鎗自擊死張半山朱六蜚在逃無蹤李天極亦混供人固極多不容深究

若必窮根株則大人而外無非吾黨也總督心是其言且以事方萌芽剪其魁戢其羽斯已矣遂不更問雲南向有宣諭勸懲凡事之可以不奏請者卽供設龍亭集諸官朝拜而後依法行事卽古稱制賞罰之意一日備法駕迎龍亭供奉演武堂府縣官先已朝服里甲坊廂士民亦依所建旂志集萃僉謂如此行事可以安反仄之心不意朱漢泗以爲外間完結彼遂無功可邀乃密稟伊等勾通外省奸徒恐別有發覺總督信之竟掣不行然亦只以天極爲首而四甲枝榮六蜚平山次之俱擬斬決六蜚平山獲日照案棄市奏聞下部議悉如擬其首人朱漢泗旣經給賞留效應無庸議於是李天極魏四甲楊枝榮決於市後陸續獲張平山朱六蜚皆斬首訖是時朱漢泗心甚怏怏遂假去不來使人喚之乃大言曰貝某太負心我救其身家性命且保全通省人民而不爲我奏功此人豈可相與異時兩軍對壘當與貝某見耳會廣南儂

廣南二陸酋構爭漢泗走主陸酋並勾合普五沙夷窺變知府茹儀鳳素有 heart 計善鈎距聞漢泗至業佈置嚴密故一奉督檄不終日而獲之如捕狔翫然猶恐羽黨多或中途有劫奪事乃碎其脛納之於檻且囑解官在道斃之既至省城尸諸市而後棄之於野人心稱快焉

謠惑

順寧民多近樸略鮮爲巧言獨康熙五十二年癸巳正月初九日忽傳有賊兵自永昌來攻掠諸郡前驅至矣四境民夷一時驚懼倉卒入山谷父子或不相顧百室皆虛城野間所強留僅百餘人耳信宿後漸次來歸杳無實事多言親見旗帳兵甲徧列郊原故先遁徐聞大理猛緬等處同日皆然

避災

康熙五十一年壬辰秋八月順寧府東北觀音里有居民楊德美者一